

四庫全書

集部

欽定四庫全書

御定全唐詩卷四百二十二

元稹

夢遊春七十韻

昔歲

一作君

夢遊春夢遊何所遇夢入深洞中果遂平生

趣清冷淺漫流

一作溪

畫舫蘭篙渡過盡萬株桃盤旋竹

林路長廊抱小樓門牖相回互樓下雜花叢叢邊繞駕

驚池光漾霞影

一作彩霞

曉日初明煦未敢上階行頻移曲

池步烏龍不作聲。碧玉曾相慕。漸到簾幕間。裴回意猶
懼。閒窺東西閣。竒玩參差布。隔子碧油糊。駝鉤紫金鍍。
逡巡日漸高。影響人將寤。鸚鵡餓亂鳴。嬌娃睡猶怒。簾
開侍兒起。見我遥相諭。鋪設繡紅茵。施張鈿粧具。潛褰
翡翠帷。瞥見珊瑚樹。不辨一作見花貌。人空驚。香若霧。身

回夜合偏。態斂晨霞聚。睡臉桃破風。汗粧蓮委露。叢梳
百葉髻。金蹙重臺屨。紕軟鈿頭裙。玲瓏合歡袴。鮮妍脂
粉薄。闇澹衣裳故。最似紅牡丹。雨來春欲暮。夢魂良易

驚靈境難久寓夜夜望天河無由重沿泝結念心所期

返如禪頓悟覺來八九年不向花迴顧離合

一作洽

兩京

春喧闐衆禽護我到看花時但作懷仙句浮生轉經歷

道性尤堅固近作夢仙詩亦知勞肺腑一夢何足云良

時事

一作自

婚娶當年二紀初嘉節三星度朝薜玉佩迎

高松女蘿附韋門正全盛出入多歡裕甲第漲清池鳴

騶引朱輅廣榭舞菱粧長筵賓雜厝青春詎幾日華實

潛幽蠹秋月照潘郎空山懷謝傅紅樓嗟壞壁金谷迷

荒成石壓破開千門摧舊柱桓雖云覺夢殊同是終難
駐悰緒竟何如焚絲不成絢卓女白頭吟阿嬌金屋賦
重壁盛姬臺青冢明妃墓盡委窮塵骨皆隨流波注幸
有古如今何勞嫌比素況余當盛時早歲諧如務詔冊
冠賢良諫垣陳好惡三十再登朝一登還一仆寵榮非
不早遭迴亦云屢直氣在膏肓氛氲日沈痼不言意不
快快意言多忤忤誠人所賊性亦天之付乍可沈為香
不能浮作瓠誠為堅所守未為明所措事事身已經營

營計何誤美玉琢文珪良金填武庫徒謂自堅貞安知
受龔鑄長絲羈野馬密網羅陰兔物外各迢迢誰能遠
相錮時來既若飛禍速當如驚曩意自未精此行何所
訴努力去江陵笑言誰與晤江花縱可憐奈非心所慕
石竹逞妍黠蔓青誇畝數一種薄地生淺深何足妒荷
葉水上生團團水中住瀉水置葉中君看不相污

桐花落

莎草徧桐陰桐花滿莎落蓋覆相團圓可憐無厚薄昔

歲幽院中深堂下簾幕同在後門前因論花好惡君誇
沈檀樣云是指搗作暗澹滅紫花勾連感金萼都繡六
七枝闌成雙孔雀尾上稠疊花又將金解絡我愛看不
已君煩睡先著我作繡桐詩繫君裙帶著別來苦修道
此意都蕭索今日竟相牽思量偶然錯

夢昔時

閒窗結幽夢此夢誰人知夜半初得處天明臨去時山
川已久隔雲雨兩無期何事來相感又成新別離

恨粧成

曉日穿隙明開帷理粧點傳粉貴重重施朱憐冉冉
鬟背額垂叢鬢隨釵斂凝翠暈蛾眉輕紅拂花臉滿頭
行小梳當面施圓靨最恨落花時粧成獨披掩

古決絕詞

乍可為天上牽牛織女星不願為庭前紅槿枝七月七
日一相見相見故心終不移那能朝開暮飛去一任東
西南北吹分不兩相守恨不兩相思對面且如此背面

當可知

一作何如

春風撩亂伯勞語況是此時拋去時

一本無況

是二字

握手苦相問竟不言後期君情既決絕妾意已

一作

亦參差借如死生別安得長苦悲

噫春冰之將泮何予懷之獨結有美一人於焉曠絕一

日不見比一日於三年況三年之曠別水得風兮小而

已波筍在苞兮高不見節矧桃李之當春競衆人而

一作

之攀折我自顧悠悠而若雲又安能保君皚皚

一作皚皚

之

如雪感破鏡之分明睹淚痕之餘血幸他人之既不我

先又安能使他人之終不我奪已焉哉織女別黃姑一
年一度暫相見彼此隔河何事無

夜夜相抱眠幽懷尚沈結那堪一年事長遣一宵說但
感久相思何暇暫相悅虹橋薄夜成龍駕侵晨列生憎

野鶴性

一作鵲往

遲迴死恨天雞識時節曙色漸瞳瞳

一作曉

華星欲

一作次

明滅一去又一年一年何可

一作時

徹有此

迢遞期不如死生別天公隔

一作可一作何

是妒相憐何不便

教相決絕

櫻桃花

櫻桃花一枝兩枝千萬朵
花塼曾立摘花人
窵破羅帟紅似火

曹十九舞綠鈿

急管清弄頻舞衣纔攬結
含情獨揺手
雙袖參差列
騷裊柳牽絲
炫轉風回雪凝眄
嬌不移
往往度繁節

閨晚

紅帟委塼堦
玉爪勢朱橘
素臆光如研
明瞳豔疑溢
調

弦不成曲學書徒弄筆夜色侵洞房春煙透簾出

曉將別

風露曉淒淒月下西牆西行人帳中起思婦枕前啼
眉命僮御晨裝儼已齊將去復攜手日高方解攜

薔薇架

清水
釋

五色階前架一張籠上被殷紅稠疊花半綠鮮明地
風蔓羅裙帶露英蓮臉淚多逢走馬郎可惜簾邊思

月暗

第六句
缺四字

月暗燈殘面牆泣羅纓斗重知啼濕真珠簾斷蝙蝠飛
燕子巢空螢火入深殿門重夜漏嚴茶缺年急

君王掌上容一人更有輕身何處立

新秋

旦暮已淒涼離人遠思忙夏衣臨曉薄秋影入檐長前
事風隨扇歸心燕在梁殷勤寄牛女河漢正相望

贈雙文

豔極翻含怨

一作態

憐多轉自嬌有時還暫

一作自

笑閒坐

愛一作更無憀曉月行看墮春酥見欲消何因肯垂手不

敢望回腰

舞曲
二名

春別

幽芳本未闌君去蕙花殘河漢秋期遠關山世路難雲
屏留粉絮風幌引香蘭腸斷迴文錦春深獨自看

和樂天示楊瓊

我在江陵少年日知有楊瓊初喚出腰身瘦小歌圓緊
依約年應十六七去年十月過蘇州瓊來拜問郎不識

青衫玉貌何處去安得紅旗遮頭白我語楊瓊瓊莫語
汝雖笑我我笑汝汝今無復小腰身不似江陵時好女
楊瓊為我歌送酒爾憶江陵縣中否江陵王令骨為灰
車來嫁作尚書婦盧戡及第嚴澗在其餘死者十八九
我今賀爾亦自多爾得老成余一作白首楊瓊本名播
少為江陵酒
妓去年姑蘇過瓊叙舊及今見
樂天此篇因走筆追書此曲

魚中素

重疊魚中素幽絨手自開斜紅餘淚蹟知著臉邊來

代九九

昔年桃李月顏色共花宜迴臉蓮初破低蛾柳並垂望
山多倚樹弄水愛臨池遠被登樓識潛因倒影窺隔林
徒想像上砌轉逶迤漫擲庭中果虛攀牆外枝強持文
玉佩求結麝香繡阿母憐金重親兄要馬騎把將嬌小
女嫁與冶遊兒自隱勤勤索相要事事隨每常同坐卧
不省暫參差纔學羞兼妒何言寵便移青春來易皎白
日誓先虧僻性嗔來見邪行醉後知別牀鋪枕席當面

指瑕疵妾貌應猶在君情遽若斯的成終世恨焉用此
宵為鸞鏡燈前撲鴛衾手下隨參商半夜起琴瑟一聲
離努力新叢豔狂風次第吹

盧十九子蒙吟盧七員外洛川懷古六韻命余

和

聞道盧明府閒行詠洛神浪圓疑靨笑波闕憶眉顰蹀
躑橋頭馬空濛水上塵草芽猶犯雪冰岸欲消春寓目
終無限通辭未有因子蒙將此曲吟似獨眠人

劉阮妻

一作山

二首

仙洞千年一度開，等閒偷入又偷迴。
桃花飛盡東風起，何處消沈去不來。

芙蓉脂肉綠雲鬟，畫樓臺青黛山。
千樹桃花萬年藥，不知何事憶人間。

桃花

桃花淺深處似勻，深淺粧春風助腸斷。
吹落白衣裳。

暮秋

欽定四庫全書

御定全唐詩

卷四百二十二

九

看著牆西日又沈
步廊迴合戟門深
栖烏滿樹聲聲絕
小玉上牀鋪夜衾

壓牆花

野性大都迷里巷
愛將高樹記人家
春來偏認平陽宅
為見牆頭拂面花

舞腰

裙裾旋旋手迢迢
不趁音聲自趁嬌
未必諸郎知曲誤
一時偷眼為迴腰

白衣裳二首

雨濕輕塵隔院香
玉人初著白衣裳
半含惆悵閒看繡
一朶梨花壓象牀

藕絲衫子柳花裙
空著沈香慢火熏
閒倚屏風笑周昉
枉拋心力畫朝雲

憶事

夜深閒到戟門邊
却繞行廊又獨眠
明月滿庭池水綠

桐花垂在翠

一作繡

簾前

寄舊詩與薛濤因成長句

詩篇調態人皆有細膩風光我獨知
月夜詠花憐暗澹雨朝題柳為欹垂
長教碧玉藏深處總向紅牋寫自隨
老大不能收拾得與君閒似好男兒

友封體

雨送浮涼夏簟清小樓腰褥怕單輕
微風暗度香囊轉朧月斜穿隔子明
樺燭燄高黃耳吠柳堤風靜紫騮聲
頻頻聞動中門鎖桃葉知嗔未敢迎

看花

努力少年求好官
好花須是少年看
看君看老大逢花樹
未折一枝心已闌

斑竹

得之
湘流

一枝斑竹渡湘沅
萬里行人感別魂
知是娥皇廟前物
遠隨風雨送啼痕

箏

莫愁私地愛王昌
夜夜箏聲怨隔牆
火鳳有凰求不得

春鶯無伴嘯空長
急揮舞破催飛燕
慢逐歌詞弄小娘
死恨相如新索婦
枉將心力為他狂

春曉

半欲天明半未明
醉聞花氣睡聞鶯
娃兒撼起鐘聲動
二十年前曉寺情

所思二首

一作劉禹錫詩
題作有所嗟

庾亮樓中初見時
武昌春柳似腰肢
相逢相失還如夢
為雨為雲今不知

鄂渚濛濛煙雨微
女郎魂逐暮雲歸
只應長在漢陽渡
化作鴛鴦一隻飛

鶯鶯詩

一作離思
詩之首篇

殷紅淺碧舊衣裳
取次梳頭閣澹粧
夜合帶煙籠曉日
牡丹經雨泣殘陽
低迷隱一作依稀
笑原非笑散漫清一作

彷彿
聞香不似一作是

香頻動橫波
嗔阿母

一作嬌
不語

等閒教

見小兒郎

離思五首

一本并前
首作六首

自愛殘粧曉鏡中環釵漫纂綠絲一作雲叢須臾日射燕

脂頰一朵紅蘇旋欲一作融

山泉散漫繞階流萬樹桃花映小樓閒讀道書慵未起
水晶簾下看梳頭

紅羅著壓逐時新一作杏子吉了花紗嫩麴塵第一莫嫌材

地弱些些紕繆最宜人

曾經滄海難為水除却巫山不是雲取次花叢嬾迴顧
半緣修道半緣君

尋常百種花齊發偏摘梨花與白人今日江頭兩三樹

可憐和

一作枝

葉度殘春

雜憶五首

今年寒食月無光夜色纔侵已上牀憶得雙文通內裏

玉櫳深處暗聞香

花籠微月竹籠煙百尺

一作丈

絲繩拂地懸憶得雙文人

靜後潛教桃葉送鞦韆

寒輕夜淺繞迴廊不辨花叢暗辨香憶得雙文朧月下

小樓前後捉迷藏

石榴似火葉相兼亞拂墀階

一作低牆

半拂檐憶得雙文獨

披掩滿頭花草倚新簾

春冰消盡碧波湖漾影殘霞似有無憶得雙文衫子薄

一作裏

鈿頭雲暎褪紅酥

一作蘇

有所教

莫畫長眉畫短眉斜紅傷豎莫傷垂人人總解爭時勢

都大須看各自宜

襄陽為盧竇紀事

帝下真符召玉真，偶逢遊女暫相親。
素書三卷留為贈，從向人間說向人。

風弄花枝月照階，醉和春睡倚香懷。
依稀似覺雙環動，潛被蕭郎卸玉釵。

鶯聲撩亂曙燈殘，暗覓金釵動曉寒。
猶帶春酲嬾相送，櫻桃花下隔簾看。

琉璃波面月籠煙，暫逐蕭郎走上天。
今日歸時最腸斷，

回江還是夜來船

花枝臨水復臨堤開照江流

一作清江

亦照泥千萬春風好擡

舉夜來曾有鳳皇栖

此首一作馬戴詩題作襄陽席上呈于司空

會真詩三十韻

微月透簾櫳螢光度碧空
遙天初縹緲低樹漸蔥蘢
龍吹過庭竹鸞歌拂井桐
羅綃垂薄霧環佩響輕風
絳節隨金母雲心捧玉童
更深人悄悄晨會雨濛濛
珠瑩光文履花明隱繡櫳
寶釵行彩鳳羅帔掩丹虹
言自瑤華

浦將朝碧帝宮因遊李

一作洛

城北偶向宋家東戲調初

微拒柔情已暗通低鬟蟬影動迴步玉塵蒙轉面流花

雪登牀抱綺叢鴛鴦交頸舞翡翠合歡籠眉黛羞頻聚

朱脣暖更融氣清蘭藥馥膚潤玉肌豐無力慵移腕多

嬌愛斂躬汗光珠點點髮亂綠鬆鬆方喜千年會俄聞

五夜窮留連時有限繾綣意難終慢臉含愁態芳詞誓

素衷贈環明運合留結表心同啼粉流清鏡殘燈繞暗

蟲華光猶冉冉旭日漸曈曈警乘

一作乘驚

還歸洛吹簫亦

上一作止 嵩衣香猶染麝枕膩尚殘紅
幕幕臨塘草飄飄

思渚一作緒 蓬素琴鳴怨鶴清
漢望歸鴻海濶誠難度天

高不易冲行雲無處所
蕭史在樓中

古豔詩二首

春來頻到宋家東
垂袖開懷待好風
鶯藏柳閣無人語
惟有牆花滿樹紅

深院無人草樹光
嬌鶯不語趁陰藏
等閒弄水浮一作流

花片流出門前賺
阮郎

御定全唐詩卷四百二十二

欽定四庫全書

御定全唐詩卷四百二十三

元稹

奉和浙西大夫李德裕述夢四十韻大夫本題
言贈於夢中詩賦以寄一二僚友故今所和者

亦止述翰苑舊游而已次本韻

第十七句
缺一字

聞有池塘什還因夢寐遭攀禾工類蔡詠豆敏過曹莊
蝶玄言祕羅禽藻思高

本篇稱六句皆夢中作
三聯亦多徵故事也

戈矛排

筆陣貔虎讓文韜綵績鸞凰頸權奇驥駮髦神樞千里

應華袞一言褒李廣留飛箭王祥得佩刀傳乘司隸馬

繼染翰林毫辨穎

缺

超脫詞鋒豈足橐金剛錐透玉鑽

鐵劍吹毛

自戈矛而下皆述大夫刀筆贍盛文藻秀麗翰苑謨猷綸誥褒貶功多名將人許三公世

總臺綱充學士等矣

顧我曾陪附思君正鬱陶近酬新樂錄仍寄

續離騷

近蒙大夫寄簪策歌酬和才畢此篇續至

阿閣偏隨鳳

大夫與稭偏多同直

方

壺共跨鰲借騎銀杏葉

學士初入例借飛龍馬

橫賜錦垂菊

解已具本

篇

冰井分珍果金瓶貯御醪獨辭珠有戒廉取玉非叨

麥紙侵紅點

書詔皆用
麥紋紙

蘭燈燄碧高

麻制例皆
通宵勘寫

代子言

不易承聖旨偏勞

稭與大夫相代
為翰林承旨

繞月同棲鵲驚風比

夜熬吏傳開鎖契

學士院密通銀臺每旦常聞
門使勘契開鎖聲甚煩多

神撼引

鈴條

院有懸鈴以備夜直警急文書出入皆引之以代
傳呼每用兵鈴輒有聲如人引聲耗緩急具如之

曹莫
之差

渥澤深難報危心過自操犯顏誠懇懇騰口懼忉

忉佩寵雖綈綬安貧尚葛袍實親多謝絕延薦必英豪

自阿閣而下皆言稭同在翰林日居處深
祕與頻繁奉職勤勞畏慎周密等事也

分阻杯盤會

閒隨寺觀遨

學士無過從聚會之例大夫與
稭時時期於寺觀閒行而已矣

祇園一林

杏

慈恩

仙洞萬株桃

玄都

解海滄波減昆明劫火熬未陪登

鶴駕已訃墮烏號痛哭過江浪寃聲出海濤尚看恩詔

濕已夢壽宮牢

本篇言此兩句是夢中作故言夢字

再造承天寶新持濟

巨篙猶憐弊簪履重委舊旌旄

渤海以下皆言舉威先恩捧荷新澤等事

北

望心彌苦西回首屢搔九霄難就日兩浙僅容舫暮竹

寒窻影衰楊古郡濠魚鰕集橘市鶴鶴起亭臯

越州宅窻戶間

盡見城郭

朽刃休衝斗

自謂

良弓枉在弣

竊論

早彎摧虎兕便鑄

壑蓬蒿漁艇宜孤棹樓船稱萬艘量材分用處終不學

滔滔

自述

一作王建宮詞

延英引對碧衣郎
江硯宣毫各別牀
天子下簾親考試
宮人手裏過茶湯

春分投簡陽明洞天作

中分春一半
今日半春徂
老惜光陰甚
慵牽興緒孤
偶成投祕簡
聊得泛平湖
郡邑移仙界
山川展畫圖
旌旗遮嶼浦
士女滿閨闈
似木吳兒勁
如花越女姝
牛儂驚

力直蠶妾笑睢盱怪我攜章甫朝人託鷓鴣閭閻隨地
勝風俗與華殊跣足沿流婦了頭避役奴雕題雖少有
雞卜尚多巫鄉味尤珍蛤家神愛事烏舟船通海嶠田
種繞城隅櫛比千艘合袈裟萬頃鋪玄茶闌小市漁父
隔深蘆日脚斜穿浪雲根遠曳蒲凝風花氣度新雨草
芽蘇粉壞梅辭萼紅含杏綴珠薺餘秧漸長燒後葑猶
枯綠綻高懸柳青錢密辨榆馴鷗眠淺瀨驚雉迸平蕪
水靜王餘見山空謝豹呼燕狂捎蛺蝶螟挂集蒲蘆淺

碧鶴新卵深黃鵝嫩雛邛扉以白板寺壁耀頰糊禹廟
纔離郭陳莊恰半途石帆何峭嶢龍瑞本紫紆穴為探
符圻潭因失箭刻隄形彎熨斗峰勢踴香爐幢蓋迎三
洞煙霞貯一壺桃枝蟠復直桑樹亞還扶鼈解稱從事
松堪作大夫榮光飄殿閣虛籟合笙竽庭狎仙翁鹿池
遊縣令鳧君心除健羨扣寂入虛無罌蹋翻星紀章飛
動帝樞東皇提白日北斗下玄都騎吏席皆紫科車憶
盡朱地侯鞭社伯海若跨天吳霧噴雷公怒煙揚竈鬼

趨投壺憐玉女喫飯笑麻姑果實經千歲衣裳重六銖
瓊杯傳素液金匕進雕胡掌裏承來露拌中釣得鱸
生悲局促柯爛覺須臾稊米休言聖醢雞益伏愚鼓
催暝色簪組縛微軀遂別真徒侶還來世路衢題詩歎
城郭揮手謝妻孥幸有桃源近全家肯去無

春遊

酒戶年年減山行漸漸難欲終心懶漫轉恐興闌珊鏡
水波猶冷稽峰雪尚殘不能辜物色乍可怯春寒遠目

傷千里新年思萬端無人知此意閒凭小欄干

除夜酬樂天

引儺綏旆亂毵毵戲罷人歸思不堪虛漲火塵龜浦北
無由阿傘鳳城南休官期限元同約除夜情懷老共諳
莫道明朝始添歲今年春在歲前三

酬樂天初冬早寒見寄

乍起衣猶冷微吟帽半欹霜凝南屋瓦雞唱後園枝洛
水碧雲曉吳宮黃葉時兩傳千里意書札不如詩

酬白樂天杏花園

劉郎不用閒惆悵且作花間共醉人算得

一作屈指

貞元舊

朝士幾人

一作員

同見太和春

過東都別樂天二首

樂天在洛太和中積拜左丞自越過洛以二詩別樂

天未幾死於鄂樂天哭之曰始以詩交終以詩訣茲筆相絕其今日乎見紀事

君應怪我留連久我欲與君辭別難白頭徒侶漸稀少

明日恐君無此歡

自識君來三度別這回白盡老髭鬚戀君不去君須會

知得後迴相見無

逢白公

遠路事無限相逢唯一言
月色照榮辱長安千萬門

酬白太傅

太空秋色涼獨鳥下微陽
三徑池塘靜六街車馬忙
漸能高酒戶始是入詩狂
官冷且無事追陪慎莫忘

和嚴給事聞唐昌觀玉藥花下有遊仙

一作玉藥院真

人降見唐
人絕句

弄玉潛過玉樹時不教青鳥出花枝的應未有諸人覺
只是嚴郎不得知

贈毛仙翁

并序

余廉問浙東歲毛仙翁惠然來顧越之人士識之
者相與言曰仙翁嘗與葉法善吳筠遊於稽山迨
茲多歷年所而風貌愈少蓋神仙者也余因得執
弟子之禮師其道焉余嘗見圓冠方領之士讀道
書疑其絕智棄仁又謂其書不足以經世理國殊

不知至仁無兼愛大智無非裁大樂同天地之和
大禮同天地之節其可臻乎上德真乎大道之致
華胥終北之化熙熙然也又以徐市文成之事謂
方士之流誕妄於世不足以為教也殊不知峒山
高卧汾水凝神縱心傲世邈然外物王侯不可得
師友也若然則徐氏之莠不足以害嘉穀文成之
誕不足以傷大教今我仙翁真風遺骨玄格高情
冥鴻孤鶴不可方喻蓋峒山汾水之儔也一言道

合止于山亭三日而南樓天台謂余曰入相之年
相候于安山里余拜而言曰果如仙約然香拂榻
以俟雲駕焉拚詩一章以為他日之志也

仙駕初從蓬海來相逢又說向天台一言親授希微訣
三夕同傾沆瀣杯此日臨風飄羽衛他年嘉約指鹽梅
花前揮手迢遞去日斷霓旌不可陪

八月十四日夜玩月

猶欠一宵輪未滿紫霞紅襯碧雲端誰能喚得姮娥下

引向堂前子細看

寒食夜

紅染桃花雪壓梨玲瓏雞子關羸時今年不是明寒食
暗地鞦韆別有期

三月三十日程氏館餞杜十四歸京

江春今日盡程館祖筵開我正南冠繫君尋北路回謀
身誠太拙從宦苦無媒處困方明命遭時不在才踰年
長倚玉連夜共銜杯涸溜霑濡沫餘光照死灰行看鴻

欲翦敢憚酒相催拍逐飛觥絕香隨舞袖來消梨拋五
徧娑葛殪三臺已許尊前倒臨風淚莫頽

酬張祕書因寄馬贈詩

丞相功高厭武名牽將戰馬寄儒生四蹄荀距藏雖盡
六尺鬚頭見尚驚減粟偷兒憎未飽騎驢詩客罵先行
勸君還却司空著莫遣衙參傍子城

戲酬副使中丞

竇見示四韻

莫恨暫纈韉交游幾箇全眼明相見日肺病欲秋天五

馬虛盈櫪雙蛾浪滿船可憐俱老大無處用閒錢

贈柔之

窮冬到鄉國正歲別京華自恨風塵眼常看遠地花
碧幢還照曜紅粉莫咨嗟嫁得浮雲壻相隨即是家

修龜山魚池示衆僧

勸爾諸僧好護持不須垂釣引青絲雲山莫厭看經坐
便是浮生得道時

寄贈薛濤

稹聞西蜀薛濤有辭辯及為監察使
蜀以御史推鞠難得見焉嚴司空潛

知其意每遣薛往泊
登翰林以詩寄之

錦江滑膩蛾眉秀幻出文君與薛濤言語巧偷鸚鵡舌
文章分得鳳皇毛紛紛辭客多停筆箇箇公卿欲夢刀
別後相思隔煙水菖蒲花發五雲高

贈劉採春

新粧巧樣畫雙蛾漫裹常州透額羅正面偷勻光滑笏
緩行輕踏破紋波言辭雅措風流足舉止低迴秀媚多
更有惱人腸斷處選詞能唱望夫歌

即羅噴
之曲也

醉題東武

役役行人事紛紛碎簿書功夫兩衙盡留滯七年餘病
痛梅天發親情海岸疎因循未歸得不是憶一作戀鱸魚

崔徽歌

崔徽河中府娼也裴敬中以興元幕使蒲州與徽相從累月敬中便還崔以不

得從為恨因而成疾有立夏善寫人形徽托寫真寄敬中曰崔徽一旦不及畫中人且為郎死

發狂卒

第八句缺

崔徽本不是娼家教歌按舞娼家長使君知有不自由
坐在頭時立在掌有客有客名丘夏善寫儀容得恣把

為微持此謝敬中以死報郎為

缺

一字至七字詩

以題為韻同王起諸公
送白居易分司東都作

茶

茶香葉嫩芽慕詩客愛僧家碾雕白玉羅織紅紗鉞煎
黃蘗色椀轉麴塵花夜後邀陪明月晨前命對朝霞洗
盡古今人不倦將知醉後豈堪誇

句

兒歌楊柳葉妾拂石榴花

見紀事

松門待制應全遠藥


樹監搜可得知

文昌雜錄云唐宣政殿為正衙殿庭東西有四松松下待制官立班之地舊圖

猶存殿門外有藥樹監察御史監搜之位
在馬唐制百官入官殿門必搜監察所掌也至太和元年監搜始停

髻鬟峨峨高一尺門前立地看春風

李娃行見許彥周詩話



御定全唐詩卷四百二十三

欽定四庫全書

集部

御定全唐詩卷四百二十四

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣張培

謄錄監生臣儲夏書

欽定四庫全書

御定全唐詩卷四百二十四

白居易

白居易字樂天，下邳人。貞元中擢進士第，補校書郎。元和初，對策入等，調藍田尉，集賢校理。尋召為翰林學士，左拾遺，拜贊善大夫。以言事貶江州司馬。徙忠州刺史。穆宗初徵為主客郎中，知制誥，復乞外，歷杭、蘇、二州刺史。文宗立，以秘書監召遷刑部侍郎。俄移病，除太子

賓客分司東都拜河南尹開成初起為同州刺史不拜
改太子少傅會昌初以刑部尚書致仕卒贈尚書右僕
射謚曰文自號醉吟先生亦稱香山居士與同年元稹
酹詠號元白與劉禹錫酬詠號劉白長慶集詩二十卷
後集詩十七卷別集補遺二卷今編詩三十九卷

賀雨

皇帝嗣寶歷元和三年冬自冬及春暮不雨旱熯熯上
心念下民懼歲成災凶遂下罪已詔殷勤告一作萬邦

制

帝曰予一人繼天承祖宗憂勤不遑寧夙夜心忡忡元
年誅劉闢一舉靖巴邛二年戮李錡不戰安江東顧惟
眇眇德遽有巍巍功或者天降沴無乃敝予躬上思答
天戒下思致時邕莫如率其身慈和與儉恭乃命罷進
獻乃命賑饑窮宥死降五刑責已一作已責寬三農宮
女出宣徽廐馬減飛龍庶政靡一作無不舉皆出一作由自
宸衷奔騰道路人偃偻田野翁歡呼相告報感泣涕霑
冒順人人心悅先天天意從詔下纔七日和氣生冲融

凝為油油

一作悠悠

雲散作習習風晝夜三日雨淒淒復濛

濛萬心春熙熙百穀青芄芃人變愁為喜歲易儉為豐
乃知王者心憂樂與衆同皇天與后土所感無不通冠
珮何鏘鏘將相及王公蹈舞呼萬歲列賀明庭中小臣
誠愚陋職忝金鑾宮稽首再三拜一言獻天聰君以明
為聖臣以直為忠敢賀有其始亦願有其終

讀張籍古樂府

張君何為者業文三十春尤工樂府詩舉代少其倫為

詩意如何六義互鋪陳風雅比興外未嘗著空文讀君
學仙詩可諷放佚君讀君董公詩可誨貪暴臣讀君商
女詩可感悍婦仁讀君勤齊詩可勸薄夫敦一作淳上可
裨教化舒之濟萬民下可理情性卷之善一身始從青
衿歲迨此白髮新日夜秉筆吟心苦力亦勤時無米詩
官委棄如泥塵恐君百歲後滅没人不聞願藏中祕書
百代不湮淪願播內樂府時得聞至尊言者志之苗行
者文之根所以讀君詩亦知君為人如何欲五十官小

身賤貧病眼街西住無人行到門

哭孔戡

洛陽誰不死戡死聞長安我是知戡者聞之涕泣然戡
佐山東軍非義不可干拂衣向西來其道直如弦從事
得如此人人以為難人言明明代合置在朝端或望居
諫司有事戡必言或望居憲府有邪戡必彈惜哉兩不
諧沒齒為閒官竟不得一日蹇蹇立君前形骸隨衆人
斂葬北邙山平生剛腸內直氣歸其間賢者為生民生

死懸在天謂天不愛人胡為生其賢謂天果愛民胡為奪其年茫茫萬化中誰執如此權

凶宅

長安多大宅列在街西東往往朱門內房廊相對空梟

鳴松桂樹

一作枝

孤藏蘭菊叢蒼苔黃葉地日暮多旋風

前主為將相得罪竄巴庸後主為公卿寢疾歿其中連延四五主殃禍繼相鍾自從十年來不利主人翁風雨壞檐隙蛇鼠穿墻墉人疑不敢買日毀土木功嗟嗟俗

人心甚矣其愚蒙但恐災將至不思禍所從我今題此
詩欲悟迷者曾凡為太官人年祿多崇高權重持難久
位高勢易窮驕者物之盈老者數之終四者如寇盜日
夜來相攻假使居吉土孰能保其躬因小以明大借家
可喻邦周秦宅穀函其宅非不同一興八百年一死望
夷宮寄語家與國人凶非宅凶

夢仙

人有夢仙者夢身升上清坐乘一白鶴前引雙紅旌羽

衣忽飄飄玉鸞俄銚銚半空直下視人世塵冥冥漸失
鄉國處纔分山水形東海一片白列岳五點青湏臾羣
仙來相引朝玉京安期羨門輩列侍如公卿仰謁玉皇
帝稽首前致誠帝言汝仙才努力勿自輕却後十五年
期汝不死庭再拜受此言既寤喜且驚祕之不敢泄誓
志居巖扃思愛捨骨肉飲食斷羶腥朝餐雲母散夜吸
沆瀣精空山三十載日望輜輶迎前期過已久鸞鶴無
來聲齒髮日衰白耳目減聰明一朝同物化身與糞壤

并神仙信有之俗力非可營苟無金骨相不列丹臺名
徒傳辟穀法虛受燒丹經只自取勤苦百年終不成悲
哉夢仙人一夢誤一生

觀刈麥

時為盤
屋縣尉

田家少閒月五月人倍忙夜來南風起小麥覆隴黃婦
姑荷簞食童穉攜壺漿相隨餉田去丁壯在南岡足蒸
暑土氣背灼炎天光力盡不知熱但惜夏日長復有貧
婦人抱子在其傍右手秉遺穗左臂懸敝筐聽其相顧

言聞者為悲傷家田輸稅盡拾此充饑腸今我何功德
曾不事農桑吏祿三百石歲晏有餘糧念此私自愧盡
日不能忘

題海圖屏風

元和己丑年作

海水無風時波濤安悠悠鱗介無小大遂性各沉浮突
兀海底鼇首冠三神丘釣網不能制其來非一秋或者
不量力謂茲鼇可求鼇負牽不動綸絕沉其釣一鼇既
頓頷諸鼇齊掉頭白濤與黑浪呼吸繞咽喉噴風激飛

廉鼓波怒陽侯鯨鯢得其便張口欲吞舟萬里無活鱗
百川多倒流遂使江漢水朝宗意亦休蒼然屏風上此
畫良有由

羸駿

驂騑失其主羸餓無人牧向風嘶一聲莽蒼黃河曲
水水畔立臥雪塚間宿歲暮田野空寒草不滿腹豈無
市駿者盡是凡人目相馬失於瘦遂遺千里足村中何
擾擾有吏徵芻粟輸一作淪彼軍廐中化作駑駘肉

廢琴

絲桐合為琴中有太古聲古聲澹無味不稱今人

一作日

情玉徽光彩滅朱絃塵土生廢棄來已久遺音尚泠泠
不辭為君彈縱彈人不聽何物使之然羌笛與秦箏

李都尉古劍

古劍寒黯黯鑄來幾千秋白光納日月紫氣排斗牛有
客借一觀愛之不敢求湛然玉匣中秋水澄不流至寶
有本性精剛無與儔可使寸寸折不能繞指柔願快直

士心將斷佞臣頭不願報小怨夜半刺私讎勸君慎所用無作神兵羞

雲居寺孤桐

一株青玉立千葉綠雲委亭亭五丈餘高意猶未已山僧年九十清淨老不死自云手種時一顆青桐子直從萌芽拔高自毫末始四面無附枝中心有通理寄言直身者孤直當如此

京兆府新栽蓮

時為藍屋縣尉趨府作

汚溝貯濁水水上葉田田我來一長歎知是東溪蓮下有青泥汚馨香無復全上有紅塵撲顏色不得鮮物性猶如此人事亦宜然託根非其所不如遭棄捐昔在溪中日花葉媚清漣今來不得地顛賴府門前

月夜登閣避暑

旱久炎氣盛中

去聲

人若燔燒清風隱何處草樹不動搖

何以避暑氣無如出塵囂行行都門外佛閣正岿嶢清

涼近高生煩熱委靜銷開襟當軒坐意

一作神

泰神

一作意

飄飄迴看歸路傍禾黍盡枯焦獨善誠有計將何救旱苗

初授拾遺

奉詔登左掖束帶參朝議何言初命卑且脫風塵吏杜
甫陳子昂才名括天地當時非不遇尚無過斯位況余
塞薄者寵至不自意驚近白日光慙非青雲器天子方
從諫朝廷無忌諱豈不思匪躬適逢時無事受命已旬
月飽食隨班次諫紙忽盈箱對之終自媿

贈元稹

自我從宦遊七年在長安所得惟元君乃知定交難豈
無山上苗徑寸無歲寒豈無要津水咫尺有波瀾之子

異於是久處

一作要

誓不諼無波古井水有節秋竹竿一

為同心友三及芳

一作方

歲闌

一作蘭

花下鞍馬遊雪中杯

酒歡衡門相逢迎不具帶與冠春風日高睡秋月夜深

看不為同登科

一作第

不為同署官所合在方寸心源無

異端

哭劉敦質

小樹兩株柏新土三尺墳蒼蒼白露草此地哭劉君哭
君豈無辭辭云君子人如何天不弔窮悴至終身愚者
多貴壽賢者獨賤速龍亢彼無悔蝮屈此不伸哭罷持
此辭吾將詰義文

答友問

大圭廉不割利劍用不缺當其斬馬時良玉不如鐵置
鐵在洪爐鐵銷易如雪良玉同其中三日燒不熱君疑

才與德詠此知優劣

雜興三首

楚王多內寵，傾國選嬪妃。
又愛從禽樂，馳騁每相隨。
錦韝臂花隼，羅袂控金羈。
遂習宮中女，皆如馬上兒。
色禽合為荒，刑政兩已衰。
雲夢春仍獵，章華夜不歸。
東風二月天，春雁正離離。
美人挾銀鐫，一發疊雙飛。
飛鴻驚斷行，斂翅避蛾眉。
君王顧之笑，弓箭生光辉。
迴眸語君曰：昔聞莊王時，
有一愚夫人，其名曰樊姬。
不有此遊樂，三

載斷鮮肥

卷四百二十四

越國政初荒越天旱不已風日燥水田水涸塵飛起國
中新下令官渠禁流水流水不入田墜入王宮裏餘波
養魚鳥倒影浮樓雉澹濫九折池縈迴十餘里四月芰
荷發越王日遊嬉左右好風來香動芙蓉藥但愛芙蓉
香又種芙蓉子不念閭門外千里稻苗死

吳王心日侈服玩盡奇瓌身卧翠羽帳手持紅玉杯冠
垂明月珠帶束通天犀行動自矜顧數步一裴回小人

知所好懷寶四方來
奸邪得藉手從此倖
門開古稱國之寶
穀米與賢才今看
君王眼視之如塵灰
伍負諫已死浮屍去
不迴姑蘇臺下草
麋鹿暗生麋

宿紫閣山北村

晨遊紫閣峰暮宿山下村
村老見余喜為余開一尊
舉杯未及飲暴卒來入門
紫衣挾刀斧草草十餘人
奪我席上酒掣我盤中殮
主人退後立斂手反如賓
中庭有奇樹種來三十春
主人惜不得持斧斷其根
口稱采造

家身屬神策軍主人慎勿語中尉正承恩

讀漢書

禾黍與稂莠雨來同日滋桃李與荆棘霜降同夜萎
木既區別榮枯那等夷茫茫天地意無乃太無私小人
與君子用置各有宜奈何西漢末忠邪並信之不然盡
信忠早絕邪臣窺不然盡信邪早使忠臣知優游兩不
斷盛業日已衰痛矣蕭京輩終令陷禍機

蕭望之京房等每讀

元成紀憤憤令人悲寄言為國者不得學天時寄言為

臣者可以鑒於斯

贈樊著作

陽城為諫議以正事其君其手如屈軼舉必指佞臣卒
使不仁者不得秉國鈞元稹為御史以直立其身其心
如肺石動必達窮民東川八十家冤憤一言伸劉闢肆
亂心殺人正紛紛其嫂曰庾氏棄絕不為親從史萌逆
節隱心潛負恩其佐曰孔戡捨去不為賓凡此士與女
其道天下聞常恐國史上但記鳳與麟賢者不為名名

彰教乃敦每惜若人輩身死名亦淪君為著作郎職廢志空存雖有良史才直筆無所申何不自著書實錄彼善人編為一家一作代言以備史闕文

蜀路石婦

道傍一石婦無記復一作亦

無銘傳是此鄉女為婦孝且

貞十五嫁邑人十六夫征行夫行二十載婦獨守孤茆其夫有父母老病不安寧其婦執婦道一如禮經晨昏問起居恭順發心誠藥餌自調節膳羞必甘馨夫行

竟不歸婦德轉光明後人高其節刻石像婦形儼然整
衣巾若立在閨庭似見舅姑禮如聞環珮聲至今為婦
者見此孝心生不比山頭石空有望夫名

折劍頭

拾得折劍頭不知折之由一握青蛇尾數寸碧峰頭疑
是斬鯨鯢不然刺蛟虯缺落泥土中委棄無人收我有
鄙介性好剛不好柔勿輕直折劍猶勝曲全鉤

登樂遊園望

獨上樂遊園四望天日曛東北何靄靄宮闕入煙雲愛
此高處立忽如遺垢氛耳目暫清曠懷抱鬱不伸下視
十二街綠樹間紅塵車馬徒滿眼不見心所親孔生死
洛陽元九謫荆門可憐南北路高蓋者何人

酬元九對新栽竹有懷見寄

頃有贈元九詩云
有節秋竹竿故元

感之因
重見寄

昔我十年前與君始相識曾將秋竹竿

今本竿字以下
至秋竹二十字

俱脫誤作會將秋
竹心風霜侵不得比君孤且直中心一以合外事紛無

極共保秋竹心風霜侵不得始嫌梧桐樹秋至先改色
不愛楊柳枝春來軟無力憐君別我後見竹長相憶長
欲在眼前故栽庭戶側分首今何處君南我在北吟我
贈君詩對之心惻惻

感鶴

鶴有不羣者飛飛在野田饑不啄腐鼠渴不飲盜泉貞
姿自耿介雜鳥何翩翾同遊不同志如此十餘年一興
嗜欲念遂為矰繳牽委質小池內爭食羣雞前不惟懷

稻梁兼亦競腥羶不惟戀主人兼亦狎烏鳶物心不可
知天性有時遷一飽尚如此況乘大夫軒

春雪

元和歲在卯六年春二月月晦寒食天天陰夜飛雪連
宵復竟日浩浩殊未歇大似落鵝毛密如飄玉屑寒銷
春茫蒼氣變風凜冽上林草盡沒曲江水復結紅乾杏
花死綠凍楊枝一作柳折所憐物性傷非惜年芳絕上天
有時令四序平分別寒燠苟反常物生一作性皆天關我

觀聖人意魯史有其說或記水不冰或書霜不殺上將
做政教下以防災孽茲雪今如何信美非時節

高僕射

富貴人所愛聖人去其泰所以致仕年著在禮經內玄
元亦有訓知止則不殆二疏獨能行遺跡東門外清風
久銷歇追一作追此向千載斯人古亦稀何況今之代遑

遑名利客白首千百輩惟有高僕射七十懸車蓋我年
雖未老歲月亦云邁預恐髦及時貪榮不能退中心私

自做何以為我戒故作僕射詩書之於大帶

白牡丹

和錢學士作

城中看花客旦暮走營營素華人不顧亦占牡丹名
一作開在深寺中車馬無來聲唯有錢學士盡日繞叢行

憐此皓然質無人自芳馨眾嫌我獨賞移植在中庭留
景夜不瞑迎光曙先明對之心亦靜虛白相向生唐昌
玉藥花攀玩眾所爭折來比顏色一種如瑤瓊彼因稀
見貴此以多為輕始知無正色愛惡隨人情豈惟花獨

爾理與人事并君看入時一作眼者紫豔與紅英

贈內

生為同室親死為同穴塵他人尚相勉而況我與君黔婁固窮士妻賢忘其貧冀缺一農夫妻敬儼如賓陶潛不營生翟氏自爨薪梁鴻不肯仕孟光甘布裙君雖不讀書此事耳亦聞至此一作于千載後傳是何如人生

未死間不能忘其身所須者衣食不過飽與溫蔬食足充饑何必膏粱珍繒絮足禦寒何必錦繡丈君家有貽

訓清白遺子孫我亦貞苦士與君新結婚庶保貧與素
偕老同欣欣

寄唐生

賈誼哭時事阮籍哭路歧唐生今亦哭異代同其悲唐
生者何人五十寒且饑不悲口無食不悲身無衣所悲
忠與義悲甚則哭之太尉擊賊日

段太尉以笏擊朱泚

尚書叱盜

時

顏尚書叱李希烈

大夫死兇寇

陸大夫為亂兵所害

諫議謫蠻夷

陽諫議左

遷道州

每見如此事聲發涕輒隨往往聞其風俗士猶或

非憐君頭半白其志竟不衰我亦君之徒鬱鬱何所為
不能發聲哭轉作樂府詩篇篇無空文句句必盡規功
高虞人箴痛甚騷人辭非求宮律高不務文字奇惟歌
生民病願得天子知未得天子知甘受時人嗤藥良氣味
苦琴澹音聲稀不懼權豪怒亦任親朋譏人竟無奈何呼作
狂男兒每逢羣盜一作動息或遇雲霧披但自高聲歌庶
幾天聽卑歌哭雖異名所感則同歸寄君三十章與君
為哭詞

傷唐衢二首

自我心存道外物少能逼常排傷心事不為長歎息忽
聞唐衢死不覺動顏色悲端從東來觸我心惻惻伊昔
未相知偶遊滑臺側同宿李翱家一言如舊識酒酣出
送我風雪黃河北日西並馬頭語別至昏黑君歸向東
鄭我來遊上國交心不交面從此重相憶憐君儒家子
不得詩書力五十著青衫試官無祿食遺文僅千首六
義無差忒散在京洛

一作索

間何人為收拾

一作得

憶昨元和初忝諫官位是時兵革後生民正顛顛但
傷民病痛不識時忌諱遂作秦中吟一吟悲一事貴人
皆怪怒閒人亦非訾天高未及聞荆棘生滿地惟有唐
衢見知我平生志一讀興歎嗟再吟垂涕泗因和三十
韻手題遠緘寄致吾陳杜間賞愛非常意此人無復見
此詩猶可貴今日開篋看蠹魚損文字不知何處葬欲
問先歔歔終去哭墳前還君一掬淚

陳杜謂子昂與甫也此詩猶可貴謂

唐衢詩也

問友

種蘭不種艾蘭生艾亦生根
艾相交長莖葉相附榮香
莖與臭葉日夜俱長大鋤艾恐傷蘭
溉蘭恐滋艾蘭亦未能溉艾亦未能除
沈吟意不決問君合何如

悲哉行

悲哉為儒者力學不知一作能疲讀書眼欲一作前暗秉筆

手生胝十上方一第成名常苦遲
縱有宦達者兩鬢已成絲
可憐少壯日適在窮賤時
丈夫老且病焉用富貴

為沈沈朱門宅中有乳臭兒狀貌如婦人光明膏梁肌
手不把書卷身不擐戎衣二十襲封爵門承勲戚資春
來日日出服御何輕肥朝從博一作薄徒飲暮有倡樓期
平一作評封去還酒債堆金選蛾眉聲色狗馬外其餘一
無知山苗與澗松地勢隨高卑古來無奈何非君獨一作
獨傷悲

紫藤

藤花紫蒙茸藤葉青扶疎誰謂好顏色而為害有餘下

如蛇屈盤上若繩縈紆可憐中間樹束縛成枯株柔蔓不自勝嫋嫋挂空虛豈知纏樹木千夫力不如先柔後為害有似諛佞徒附著君權勢君迷不肯誅又如妖婦人綢繆蠱其夫奇邪壞人室夫惑不能除寄言邦與家所慎在其初毫末不早辨滋蔓信難圖願以藤為戒銘之于座隅

放鷹

十月鷹出籠草枯雉兔肥下韝隨指顧百擲無一遺鷹

翅疾如風鷹爪利如錐本為鳥所設今為人所資孰能
使之然有術甚易知取其向背性制在饑飽時不可使
長飽不可使長饑饑則力不足飽則背人飛乘飢縱搏
擊未飽須繫維所以爪翅功而人坐收之聖明馭英雄
其術亦如斯鄙語不可棄吾聞諸獵師

慈烏夜啼

慈烏失其母啞啞吐哀音晝夜不飛去經年守故林夜
夜夜半啼聞者為沾襟聲中如告訴未盡反哺心百鳥

豈無母爾獨哀怨深應是母慈重使爾悲不任昔有吳
起者母歿喪不臨嗟哉斯徒輩其心不如禽慈烏復慈
烏鳥中之曾參

燕詩示劉叟

叟有愛子背叟逃去叟甚悲念之
叟少年時亦常如是故作燕詩以

論
之

梁上有雙燕翩翩雄與雌銜泥兩椽間一巢生四兒四
兒日夜長索食聲孜孜青蟲不易捕黃口無飽期觜爪
雖欲敝心力不知疲須臾十一作千來往猶恐巢中飢辛

勤三十日母瘦雛漸肥喃喃教言語一一刷毛衣一旦
羽翼成引上庭樹枝舉翅不回顧隨風四散飛雌雄空
中鳴聲盡呼不歸却入空巢裏啁啾終夜悲燕燕爾勿
悲爾當返自思思爾為雛日高飛背母時當時父母念
今日爾應知

采地黃者

麥死春不雨未損秋早霜歲晏無口食田中采地黃采
之將何用持以易餱糧凌晨荷鋤去薄暮不盈筐攜來

朱門家賣與白面郎與君啾肥馬可使照地光願易馬
殘粟救此苦飢腸

初入太行路

天冷日不光太行峰蒼莽^上嘗聞此中險今我方獨往
馬蹄凍且滑羊腸不可上若比世路難猶自平於掌

鄧魴張徹落第

古琴無俗韻奏罷無人聽寒松無妖花枝下無人行春
風十二街軒騎不暫停奔車看牡丹走馬聽秦箏衆目

悅芳豔松獨守其貞衆耳喜鄭衛琴亦不改聲懷哉二
夫子念此無自輕

送王處士

王門豈無酒侯門豈無肉主人貴且驕待客禮不足望
塵而拜者朝夕走碌碌王生獨拂衣遐舉如雲鵠寧歸
白雲外飲水卧空谷不能隨衆人斂手低眉目扣門與
我別酤酒留君宿好去采薇人終南山正綠

村居苦寒

八年十二月五日雪紛紛竹柏皆凍死况彼無衣民回
觀村閭間十室八九貧北風利如劍布絮不蔽身唯燒
蒿棘火愁坐夜待晨乃知大寒歲一作歲寒農者尤一作猶苦
辛顧我當此日草堂深掩門褐裘覆絕被坐卧有餘溫
幸免飢凍苦又無墮畝勤念彼深可媿自問是何人

納粟

有吏夜叩門高聲催納粟家人不待曉場上張燈燭揚
簸淨如珠一車三十斛猶憂納不中鞭責及僮僕昔余

謬從事內媿才不足連授四命官坐尸十年祿常聞古人語損益周必復今日諒甘心還他太倉穀

薛中丞

百人無一直百直無一遇借問遇者誰正人行得路中丞薛存誠守直心甚固皇明燭如日再使秉王度奸豪與佞巧非不憎且懼直道漸光明邪謀難蓋覆每因匪躬節知有匡時具張為墜網網倚作顏檐柱悠哉上天意報施紛回互自古已冥茫從今尤不諭豈與小人意

昏然同好惡不然君子人何反如朝露裴相昨已夭薛君今又去以我惜賢心五年如旦暮況聞善人命長短繫運數今我一涕零豈為中丞故

秋池二首

前池秋始半卉物多摧壞欲暮槿先萎未霜荷已敗默然有所感可以從茲誠本不種松筠早凋何足怪

鑿池貯秋水中有蘋與芰天旱水暗消塌然委空地有似泛泛者附離權與貴一旦恩勢移相隨共顛顛

夏旱

太陰不離畢太歲仍在午旱日與炎風枯焦我田畝金
石欲銷鑠況茲禾與黍螽蟴萬族中唯農最辛苦憫然
望歲者出門何所覩但見棘與茨羅生徧場圃惡苗承
沴氣欣然得其所感此因問天可能長不雨

諭友

昨夜霜一降殺君庭中槐乾葉不待黃索索飛下來憐
君感節物一作物節晨起步前階臨風蹋葉立半日顏色衰

一作低

西望長安城歌鐘十二街何人不歡樂君獨心悠

哉白日頭上走朱顏鏡中顏平生青雲心銷化成死灰

我今贈一言勝飲酒千杯其言雖甚鄙可破悒悒懷朱

門有勲貴

一作賢

陋巷有顏回窮通各問

一作有

命不繫才

不才推此自豁豁

一作裕裕

不必待安排

丘中有一士二首

命首句為題

丘中有一士不知其姓名面色不憂苦血氣常和平每

選隙地居不謁要路行舉動無尤悔物莫與之爭藜藿

不充腸布褐不蔽形終歲守窮餓而無嗟歎聲豈是愛
貧賤深知時俗情勿矜羅弋巧鸞鶴在冥冥

丘中有一士守道歲月深行披帶索衣坐拍無絃琴不
飲濁泉水不息曲木陰所逢苟非義糞土千黃金鄉人
化其風熏如蘭在林智愚與強弱不忍相欺侵我欲訪
其人將行復沈吟何必見其面但在學其心

新製布裘

桂布白似雪吳縣輒於雲布重縣且厚為裘有餘溫朝

擁坐至暮夜覆眠達晨誰知嚴冬月支體暖如春中夕
忽有念撫裘起逡巡丈夫貴兼濟豈獨善一身安得萬
里裘蓋裏周四垠穩暖皆如我天下無寒人

杏園中棗樹

人言百果中唯棗凡且鄙皮皴似龜手葉小如鼠耳胡
為不自知生花此園裏豈宜遇攀玩幸免遭傷毀二月
曲江頭雜英紅旖旎棗亦在其間如嫫對西子東風不
擇木吹噓長未已眼看欲合抱得盡生生理寄言遊春

客乞君一迴視君愛繞指柔從君憐柳杞君求悅目艷
不敢爭桃李君若作大車輪軸材須此

蝦蟇

和張十六

嘉魚薦宗廟靈龜貢邦家應龍能致雨潤我百穀茅蠹
蠹水族中無用者蝦蟇形穢肌肉腥出沒於泥沙六月
七月交時雨正滂沱蝦蟇得其志快樂無以加地既蕃
其生使之族類多天又與其聲得以相誼譁豈惟玉池
上污君清冷波可一作何獨瑤瑟前亂君鹿鳴歌常恐飛

上天跳躍隨姮娥
往往蝕明月遣君無奈何

寄隱者

賣藥向都城行憩青門樹
道逢馳驛者色有非常懼
親族走相送欲別不敢住
私怪問道旁何人復何故
云是右丞相當國握樞務
祿厚食萬錢恩深日三顧
昨日延英對今日崖州去
由來君臣間寵辱在朝暮
青青東郊草中有歸山路
歸去卧雲人謀身計非誤

放魚

自此後詩
到江州作

曉日提竹籃家僮買春蔬青青芹蕨下疊卧雙白魚無
聲但呀呀以氣相煦濡傾藍寫地上撥刺長尺餘豈唯
刀机憂坐見螻蟻圖脫泉雖已久得水猶可蘇放之小
池中且用救乾枯小池窄狹動尾觸四隅一時幸苟
活久遠將何如憐其不得所移放於南湖南湖連西江
好去勿踟躕施恩即望報吾非斯人徒不須泥沙底辛
苦覓明珠

文柏牀

陵上有老柏柯葉寒蒼蒼朝為風煙樹暮為宴寢牀以
其多奇文宜升君子堂刮削露節目拂拭生輝光玄斑
狀狸首素質如截肪雖充悅目玩終乏周身防華彩誠
可愛生理苦已傷方知自殘者為有好文章

潯陽三題

并序

廬山多桂樹湓浦多修竹東林寺有白蓮花皆植
物之貞勁秀異者雖宮囿省寺中未必能盡有夫
物以多為賤故南方人不貴重之至有蒸爨其桂

翦棄其竹白眼於蓮花者予惜其不生於北土也
因賦三題以唁之

廬山桂

偃蹇月中桂結根依青天
天風繞月起吹子下人間
飄零委何處乃落匡廬山
生為石上桂葉如翦碧
鮮枝幹日長大根莖日牢
堅不歸天上月空老
山中年廬山去咸陽道里
三四十無人為移植得入
上林園不及紅花樹長栽
溫室前

湓浦竹

潯陽十月天天氣仍溫燠有霜不殺草有風不落木玄
冥氣力薄草木冬猶綠誰肯湓浦頭回眼看修竹其有
顧盼者持刀斬且束剖劈青琅玕家家蓋牆屋吾聞汾
晉間竹少重如玉胡為取輕賤生此西江曲

東林寺白蓮

東林北塘水湛湛見底清中生白芙蓉菡萏三百莖白
日發光彩清飈散芳馨洩香銀囊破瀉露玉盤傾我慙

塵垢

一作埃

眼見此瓊瑤英乃知紅蓮花虛得清淨名夏

萼數未歇秋房

一作芳

結纔成夜深衆僧寢獨起繞池行

欲收一顆子寄向長安城但恐出山去人間種不生

大水

潯陽郊郭間大水歲一至閭閻半飄蕩城堞多傾墜蒼

茫生海色渺漫連空翠風捲白波翻日煎紅浪沸工商

徹屋去牛馬登山避況當率稅時頗害農桑事獨有傭

舟子鼓枻生意氣不知萬人災自覓錐刀利吾無奈爾

何爾非久得志九月霜降後水涸為平地

御定全唐詩卷四百二十四

欽定四庫全書

御定全唐詩卷四百二十五

白居易

續古詩十首

戚戚復戚戚送君遠行役行役非中原海外黃沙磧伶
俁獨居妾迢遞長征客君望功名歸妾憂生死隔誰家
無夫婦何人不離拆一作析所恨薄命身嫁遲別日迫妾
身有存歿妾心無改易一作為生作一作閨中婦死作山頭石

掩淚別鄉里飄飄將遠行
茫茫綠野中春盡孤客情
驅馬上丘隴高低路不平
風吹棠梨花啼鳥時一聲
古墓何代人不知姓與名
一作何姓化作路傍土
年年春草生感彼忽自悟
今我何營營

朝采山上薇暮采山上薇
歲晏薇已盡飢來何所為
坐飲白石水手把青松枝
擊節獨長謠其聲清且悲
捫馬非不肥所苦長絳維
豢豕非不飽所憂竟為犧
行行歌此曲以慰常苦飢
一作渴飢

雨露長纖草山苗高入雲風雪折勁木澗松推為薪風
摧此何意雨長彼何因百丈澗底死寸莖山上春可憐
苦節士感此涕盈巾

窈窕雙鬟女容德俱如玉晝居不踰閭夜行常秉燭氣

如含露

一作霧

蘭心如貫霜竹宜當簡嬪御胡為守幽獨

無媒不得選年忽過三六歲暮望漢宮誰在黃金屋邯
鄲進倡女能唱黃花曲一曲稱君心思榮連九族

栖栖遠方士讀書三十年業成無知己徒步來入關長

安多王侯英俊競攀援幸隨衆賓末得廁門館間東閣
有旨酒堂上有管絃何為向隅客對此不開顏富貴無
是非主人終日歡貧賤多悔尤客子中一作終夜歎歸去
復歸去故鄉貧亦安

涼風飄嘉樹日夜減芳華下有感秋婦攀條苦悲嗟我
本幽閒女結髮事豪家豪家多婢僕門內頗驕奢良人
近封侯出入鳴玉珂自從富貴來恩薄讒言多家一作家

婦獨守禮羣妾互竒衰但信言有玷不察心無瑕容光

未消歇歡愛忽蹉跎何意掌上玉化為眼中砂盈盈一尺水浩浩千丈河勿言小大異隨分有風波閨房猶復爾邦國當如何

心亦無所迫身亦無所拘何為腸中氣鬱鬱不得舒不舒良有以同心久離居五年不見面三年不得書念此令人老抱膝坐長吁豈無盈尊酒非君誰與娛

攬衣出門行遊觀繞林渠澹澹春水暖東風生綠蒲上有和鳴雁下有掉尾魚飛沈一何樂鱗羽各有徒而我

方獨處不與之子俱顧彼自傷已禽魚之不如出遊欲
遣憂孰知憂有餘

春旦日初出曈曈耀晨輝草木照未遠浮雲已蔽之天
地黯以一作似晦當午如昏時雖有東南風力微不能吹
中園何所有滿地青青葵陽光委雲上傾心欲何依

秦中吟十首

并序

貞元元和之際予在長安聞見之間有足悲者因

直歌

三字一作略舉

其事

一下有因字

命為秦中吟

一本此下有馬字

議婚

一作貧家女

天下無正聲悅耳即

一作則

為娛人間無正色悅目即

一作

則為姝顏色非相遠貧富則有殊貧為時所棄富為時

所趨紅樓富家女金縷繡羅襦見人不斂手嬌癡二八

初母兄未開口已

一作言

嫁不須更綠窻貧家女寂莫二

十餘荆釵不直錢衣上無真珠幾迴人欲聘臨日又踟

躕主人會良媒置酒滿玉壺四座且勿飲聽我歌兩途

富家女易嫁嫁早輕其夫貧家女難嫁嫁晚孝於姑聞

君欲娶婦娶婦意何如

重賦

一作無名稅

厚地植桑麻所要

一作用

濟生民生民理布帛所求活一

身身外充征賦上以奉君親國家定兩稅本意在愛

一作

憂

人厥初防其淫明敕内外臣稅外加一物皆以枉法

論奈何歲月久貪吏得因循浚我以求寵斂索無冬春

織絹未成匹縲絲未盈斤里胥迫

一作逼

我納不許暫逡

巡歲暮天地閉陰風生破村夜深煙火盡霰雪白紛紛

幼者形不蔽老者體無溫悲喘一作啼與寒氣并入鼻中

辛昨日輸殘稅因窺官庫門繒帛如山積絲絮如一作似

雲屯號為羨餘物隨月一作日獻至尊奪我身上煖買爾

眼前恩進入瓊林庫歲久化為塵

傷宅

一作傷大宅

誰家起甲第朱門大一作當道邊豐屋中櫛比高牆外迴

環纍纍六七堂棟一作檐宇相連延一堂費百萬鬱鬱起

青烟洞房溫且清寒暑不能干高堂虛且迴坐卧見南

山繞廊紫藤架夾砌紅藥欄

一作關

攀枝摘櫻桃帶花移

牡丹主人此中坐十載為大官廚有臭敗肉庫有貫朽

一作朽貫

錢誰能將我語問爾骨肉間豈無窮賤者忍不救

飢寒如何奉一身直欲保千年不見馬家宅今作奉誠園

傷友

又云傷苦節士
一作膠漆契

陋巷孤

一作飢

寒士出門苦

一作甚

恹恹

一作恹恹

雖云志氣高

豈免顏色低平生同門

一作袍

友通籍在金閨曩者膠漆

契邇來雲雨睽正逢下朝歸軒騎五門西是時天久陰
三日雨淒淒蹇驢避路立肥馬當風嘶迴顧忘相識占
道上沙堤昔年洛陽社貧賤相提攜今日長安道對面
隔雲泥近日多如此非君獨慘悽死生不變者唯聞任

與黎

任公叔
黎逢

不致仕

一作合
致仕

七十而致仕禮法有明文何乃貪榮者

一作貴

斯言如不

聞可憐八九十齒墮雙眸昏朝露貪名利夕陽憂子孫

挂冠顧翠綉懸車惜朱輪金章腰不勝偃僂入君門誰
不愛富貴誰不戀君恩年高須告一作請老名遂合退身
少時共嗤誚一作笑晚歲多因循賢哉漢二疏彼獨是何
人寂莫東門路無人繼去塵

立碑

一作古碑

勲德既下哀文章亦陵夷但見山中石立作路旁碑銘
勲一作勲名悉太公叙德一作德教皆仲尼復以多為貴千言直
萬貲為文彼何人想見下筆時但欲愚者悅不思賢者

嗤豈獨賢者嗤仍傳後代疑古石蒼苔字安知是魏詞

我聞望江縣鞠令撫惇嫠

鞠令名信陵

在官有仁政名不聞

京師身歿欲歸葬百姓遮路歧攀轅不得歸

一作去

留葬

此江渚至今道其名男女涕皆

一作皆涕

垂無人立碑碣唯

有邑人知

輕肥

一作江南旱

意氣驕滿路鞍馬光照塵借問何為者人稱是內臣朱

紱皆大夫紫綬或

一作悉

將軍誇赴軍中宴走馬去

一作疾

如雲尊壘溢九醞水陸羅八珍果擘洞庭橘膾切天池
鱗食飽心自若酒酣氣益振是歲江南旱衢州人食人

五絃

一作五絃琴

清歌且罷

一作停

唱紅袂亦停舞趙叟抱五絃宛轉當胸

一作胸前

撫大聲麗

一作祖

若散颯颯風和雨小聲細欲絕切

切鬼神語又如鵲報喜轉作猿啼苦十指無定音顛倒

宮徵

一作商

羽坐客聞此聲形神若無主行客聞此聲駐

足不能舉嗟嗟俗人耳好今不好古所以綠

一作北

窗琴

日日生塵土

歌舞

一作傷閨
鄉縣囚

秦中歲云暮大雪滿皇州雪中退朝者朱紫盡公侯貴
有風雲興富無飢寒憂所營唯第宅所務在追遊朱門
車馬客紅燭歌舞樓歡酣促密坐醉煖脫重裘秋官為
主人廷尉居上頭日中為一樂一作樂飲夜半不能休豈知
閹鄉獄中有凍死囚

買花

一作
牡丹

帝城春欲暮喧嘩車馬度共道牡丹時相隨買花去貴

賤無常價酬直看花數灼灼百朵紅萋萋五束素上張

幄幕

一作帷幄

庇旁織巴

一作芭

籬護水灑復泥封移

一作遷

來

色如故家家習為俗人人迷不悟有一田舍翁偶來買
花處低頭獨長歎此歎無人喻一叢深色花十戶中人
賦

贈友五首

并序

吾友有王佐之才者以致君濟人為已任識者深

許之因贈是詩以廣其志云

一年十二月每月有常令君出臣奉行謂之握金鏡由
茲六氣順以遂萬物性時令一反常生靈受其病周漢
德下衰王風始不競又從斬鼉錯諸侯益強盛百里不
同禁四時各為政盛夏興土功方春勦人命誰能救其
失待君佐邦柄峨峨象魏門懸法彛倫正

銀生楚山曲金生鄱谿濱南人棄農業求之多苦辛披
砂復鑿石矻矻無冬春手足盡皴胝一作皴手愛利不

愛身畬田既慵斫稻田亦嬾耘相攜作游手皆道求金
銀畢竟金與銀何殊泥與塵且非衣食物不濟飢寒人
棄本以趨末日富而歲貧所以先聖王棄藏不為珍誰
能反古風待君秉國鈞捐金復抵璧勿使勞生民

私家無錢爐平地無銅山胡為秋夏稅歲歲輸銅錢錢
力日已重農力日已殫賤糶粟與麥賤貿絲與縣歲暮
衣食盡焉得無飢寒吾聞國之初有制垂不刊庸必算
丁口租必計桑田不求土所無不强人所難量入以為

出上足下亦安兵興一變法兵息遂不還使我農桑人
顛頽畝間誰能革此弊待君秉利權復彼租庸法令
如貞觀年

京師四方則王化之本根長吏久於政然後風教敦如
何尹京者遷次不遠巡請君屈指數十年十五人科條
日相矯吏力亦已勤寬猛政不一民心安得淳九州雍
為首羣牧之所遵天下率如此何以安吾民誰能變此
法待君贊彌一作絲綸慎擇循良吏令其長子孫

三十男有室二十女有歸近代多離亂婚姻多過期嫁娶既不早生育常苦遲兒女未成人父母已衰羸凡人貴達日多在長大時欲報親不待孝心無所施哀哉三牲養少得及庭闈惜哉萬鍾粟多用飽妻兒誰能正婚禮待君張國維庶使孝子心皆無風樹悲

寓意詩五首

豫樟生深山七年而後知挺高二百尺本末皆十圍天子建明堂此材獨中規匠人執斤墨采度將有期孟冬

草木枯烈火燎山陂疾風吹猛燄從根燒到枝養材三
十年方成棟梁姿一朝為灰燼柯葉無孑遺地雖生爾
材天不與爾時不如糞土英猶有人掇之已矣勿重陳
重陳令人悲不悲焚燒苦但悲采用遲

赫赫京內史炎炎中書郎昨傳徵拜日恩賜頗殊常貂
冠水蒼玉紫綬黃金章佩服身未暖已聞竄遠荒親戚
不得別吞聲泣路旁賓客亦已散門前雀羅張富貴來
不久倏如瓦溝霜權勢去尤速瞥若石火光不如守貧

賤貧賤可久長傳語宦遊子且來歸故鄉

促織不成章提壺但聞聲嗟哉蟲與鳥無實有虛名與
君定交日久要如弟兄何以示誠信白水指為盟雲雨
一為別飛沉兩難并君為得風鵬我為失水鯨音信日
已疎恩分日已輕窮通尚如此何況死與生乃知擇交
難須有知人明莫將山上松結託水上萍

翩翩兩玄鳥本是同巢燕分飛來幾時秋夏炎涼變一
宿蓬華廬一栖明光殿偶因銜泥處復得重相見彼矜

杏梁貴此嗟茅棟賤眼看秋社至兩處俱難戀所託各
暫時胡為相歎美

婆婆園中樹根株大合圍蠢爾樹間蟲形質一何微孰
謂蟲之一作至微蟲蠢已無期孰謂樹之一作至大花葉有

衰時花衰夏未實葉病秋先萎樹心半為土觀者安得
知借問蟲何在在身不在枝借問蟲何食食心不食皮
豈無啄木鳥背長將何為

讀史五首

楚懷放靈均國政亦荒淫彷徨未忍決遶澤行悲吟漢
文疑賈生謫置湘之陰是時刑方措此去難為心士生
一代間誰不有浮沉良時真可惜亂世何足欽乃知汨
羅恨未抵長沙深

禍患如棼絲其來無端緒馬遷下蠶室嵇康就囹圄抱
冤志氣屈忍恥形神沮當彼戮辱時奮飛無翅羽商山
有黃綺潁川有巢許何不從之遊超然離網罟山林少
羈鞅世路多艱阻寄謝伐檀人慎勿嗟窮處

漢日大將軍少為乞食子秦時故列侯老作鋤瓜士春
華何暉暉園中發桃李秋風忽蕭條堂上生荆杞深谷
變為岸桑田成海水勢去未湏悲時來何足喜寄言榮
枯者反復殊未已

含沙射人影雖病人不知巧言構人罪至死人不疑掇
逢螭殺愛子掩鼻戮寵姬弘恭陷蕭望趙高謀李斯陰德
既必報陰禍豈虛施人事雖可罔天道終難欺明則有
刑辟幽則有神祇苟免勿私喜鬼得而誅之

季子顓頊時婦見不下機買臣負薪日妻亦棄如遺一朝黃金多佩印衣錦歸去妻不敢視婦嫂強依依富貴家人重貧賤妻子欺奈何貧富間可移親愛志遂使中心心汲汲求富貴又令下人力各競錐刀利隨分歸舍來一取妻孥意

和答詩十首

并序

五年春微之從東臺來不數日又左轉為江陵士曹掾詔下日會予下內直歸而微之已即路邂逅

相遇於街衢中自永壽寺南抵新昌里北得馬上

話

一作語

別語不過相勉保方寸外形骸而已曰不

暇及他是夕足下次於山北寺僕職役不得去命

季弟送行且奉新詩一軸致於執事凡二十章率

有興比淫文豔韻無一字焉意者欲足下在途諷

讀且以遣日時消憂懣又有以張直氣而扶壯心

也及足下到江陵寄在路所為詩十七章凡五六

十言言有為章有旨迨於宮律體裁皆得作者風

發緘開卷且喜且怪僕思牛僧孺戒不能示他人
惟與杓直拒非及樊宗師輩三四人時一吟讀心
甚貴重然竊思之豈僕所奉者二十章遽能開足
下聰明使之然耶抑又不知足下是行也天將屈
足下之道激足下之心使感時發憤而臻於此耶
若兩不然者何立意措辭與足下前時詩如此之
相遠也僕既羨足下詩又憐足下心盡欲引狂簡
而和之屬直宿拘牽居無暇日故不即時如意句

月來多乞病假假中稍閒且摘卷中尤者繼成十
章亦不下三千言其間所見同者固不能自異異
者亦不能強同同者謂之和異者謂之荅并別錄
和夢遊春詩一章各附於本篇之末餘未和者亦
續致之頃者在科試間常與足下同筆硯每下筆
時輒相顧共患其意太切而理太周故理太周則
辭繁意太切則言激然與足下為文所長在於此
所病亦在於此足下來序果有詞犯文繁之說今

僕所和者猶前病也待與足下相見日各引所作
稍刪其煩而晦其義焉餘具書白

和思歸樂

山中不棲鳥夜半聲嚶嚶似道思歸樂行人掩泣聽皆
疑此山路遷客多南征憂憤氣不散結化為精靈我謂
此山鳥本不因人生人心自懷土想作思歸鳴孟嘗平
居時娛耳琴泠泠雍門一言感未奏淚霑纓魏武銅雀
妓日與歡樂并一旦西陵望欲歌先涕零峽猿亦何意

隴水復何情為入愁人耳
皆為腸斷聲
請看元侍御亦
宿此郵亭
因聽思歸鳥
神氣獨安寧
問君何以然
道勝心自平
雖為南遷客
如在長安城
云得此道來
何慮復何營
窮達有前定
憂喜無交爭
所以事君日
持憲立大庭
雖有迴天力
撓之終不傾
況始三十餘
年少有直名
心中志氣大
眼前爵祿輕
君恩若雨露
君威若雷霆
退不苟免難
進不曲求榮
在火辨玉性
經霜識松貞
展禽任三黜
靈均長獨醒
獲戾自東洛
貶官向南荆
再拜辭

闕下長揖別公卿
荊州又非遠
驛路半月程
漢水照天碧
楚山插雲青
江陵橘似珠
宜城酒如飴
誰謂謫謫去
未妨遊賞行
人生百歲內
天地暫寓形
太倉一稊米
大海一浮萍
身委逍遙篇
心付頭陀經
尚達死生一作觀
寧為寵辱驚
中懷苟有主
外物安能縈
任意思歸樂
聲啼到明

和陽城驛

商山陽城驛中有歎者誰云是元監察
江陵謫去時忽

見此驛名良久涕欲垂何故陽道州名姓同於斯憐君
一寸心寵辱誓不移疾惡若巷伯好賢如緇衣沈吟不
能去意者欲改為改為避賢驛大署於門楣荆人愛羊
祜戶曹改為辭一字不忍道况兼姓呼之因題八百言
言直丈甚奇詩成寄與我鏘一作鏘若金和絲上言陽公
行友悌無等夷骨肉同衾裯至死不相離次言陽公迹
夏邑始棲遲鄉人化其風少長皆孝慈次言陽公道終
日對酒卮兄弟笑相顧醉貌紅怡怡次言陽公節蹇蹇

居諫司誓心除國蠹決死犯天威終言陽公命左遷天一涯道州炎瘴地身不得生歸一一皆實錄事事無子遺凡是為善者聞之惻然悲道州既已矣往者不可追何世無其人來者亦可思願以君子文告彼大樂師附於雅歌末奏之白玉墀天子聞此章教化如法施直諫從如流佞臣惡如疵宰相聞此章政柄端正持進賢不知倦去邪勿復疑憲臣聞此章不敢懷依違諫官聞此章不忍縱詭隨然後告史氏舊史有前規若作陽公傳

欲令後世知不勞叙世家不用費文辭但於一作使國史
上全錄元稹詩

荅桐花

山木多蓊鬱茲桐獨亭亭葉重碧雲片花簇紫霞英是
時三月天春暖山雨晴夜色向月淺闇香隨風輕行者
多商賈居者悉黎氓無人解賞愛有客獨屏營手攀花
枝立足蹋花影行生憐不得所死欲揚其聲截為天子
琴刻作古人形云待我成器薦之於穆清誠是君子心

恐非草木情胡為愛其華而反傷其生老龜被剝腸不
如無神靈雄鷄自斷尾不願為犧牲況此好顏色花紫
葉青青宜遂天地性忍加刀斧刑我思五丁力拔入九

重城當君正殿栽花葉生光晶上對月中桂下覆階前
蔭汎拂香爐烟隱映斧藻屏為君布綠陰當暑陰軒楹

沈沈綠滿地桃李不敢爭

以上四句
今本俱脫

為君發清韻風來

如叩瓊泠泠聲滿耳鄭衛不足聽受君封植力不獨吐

芬馨助君行春令開花應晴清

一作

明受君雨露思不獨

含芳榮戒君無戲言翦葉封弟兄受君歲月功不獨資
生成為君長高枝鳳皇上頭鳴一鳴君萬歲壽如山不
傾再鳴萬人泰泰階為之平如何有此用幽滯在巖壑
歲月不爾駐孤芳坐凋零請向桐枝上為余題姓名待
余有勢力移爾獻丹庭

和大觜鳥

鳥者種有二名同性不同觜小者慈孝觜大者貪庸觜
大命又長生來十餘冬物老顏色變頭毛白茸茸飛來

庭樹上初但驚兒童老巫生奸計與鳥意潛通云此

一作

是非凡鳥遙見起敬恭千歲乃一出喜賀主人翁祥瑞

來白日神聖

一作靈

占知風陰作北斗使能為人吉凶此

鳥

一作鳥

所止家家產日夜豐上以致壽考下可宜田農

主人富家子身老心童蒙隨巫拜復祝婦姑亦相從殺

雞薦其肉敬若裡六宗鳥喜張大觜飛接在虛空鳥既

飽羶腥巫亦饗甘濃鳥巫互相利不復兩西東日日營

巢窟稍稍近房櫳雖生八九子誰辨其雌雄羣雛又成

長衆背逞

一作騁

殘光探巢吞燕卵入簇啄蠹蟲豈無乘

秋隼羈絆委高墉但食烏殘肉無施搏擊功亦有能言

鸚翅碧背距紅暫曾說烏罪囚閉在深籠青青窗前柳

鬱鬱井上桐貪烏占棲息慈烏獨不容慈烏爾奚為來

往何憧憧曉去先晨鼓暮歸後昏鐘辛苦塵土間飛啄

禾黍叢得食將哺母

一作母哺

飢腸不自充主人憎慈烏命

子削彈弓弦續會稽竹丸鑄荆山銅慈烏求母食飛下

爾庭中數粒未入口一丸已中胸仰天號一聲似欲訴

蒼穹反哺日未足非是惜微躬誰能持此冤一為問化
工胡然大觜烏竟得天年終

答四皓廟

天下有道見無道卷懷之此乃聖人語吾聞諸仲尼矯
矯四先生同稟希世資隨時有顯晦秉道無磷緇秦皇
肆暴害二世邁亂離先生相隨去商嶺采紫芝君看秦
獄中戮辱者李斯劉項爭天下謀臣竟悅隨先生如鸞
鶴去

一作出

入冥冥飛君看齊鼎中焦爛者酈其子房得

沛公自謂相遇遲八難掉舌樞三略役心機辛苦十數
年晝夜形神疲竟雜霸者道徒稱帝者師子房爾則能
此非吾所宜一作為漢高之季年嬖寵鍾所私豕嫡欲廢
奪骨肉相憂疑豈無子房口口古無所施亦有陳平心
心計將何為皤皤一作皓皓四先生高冠危映着從容下南
山顧盼入東闈前瞻惠太子左右生羽儀却顧戚夫人
楚舞無光輝心不畫一計口不吐一詞閤定天下本遂
安劉氏危子房吾則能此非爾所知先生道既光太子

禮甚卑安車留不住功成棄如遺如彼旱天雲一雨百
穀滋澤則在天下雲復歸希夷勿高巢與由勿尚呂與
伊巢由往不返伊呂去不歸豈如四先生出處兩逶迤
何必長隱逸何必長濟時由來聖人道無朕不可窺卷
之不盈握舒之亘八陲先生道甚明夫子猶或非願子
辨其惑為予吟此詩

和雉媒

吟君雉媒什一哂復一歎和之一何晚今日乃成篇豈

唯鳥有之抑亦人復然張陳刎頸交竟以勢不完至今
不平氣塞絕泚水源趙襄骨肉親亦以利相殘至今不
善名高於磨筭山況此籠中雉志在飲啄間稻粱暫入
口性已隨人遷身苦亦自忘同族何足言但恨為媒拙
不足以自全勸君今日後養鳥養青鸞青鸞一失侶至
死守孤單勸君今日後結客結任安主人賓客去獨住
在門闌

和松樹

亭亭山上松——生朝陽森聳上參天柯條百尺長漠
漠塵中槐兩兩夾康莊婆娑低覆地枝幹亦尋常八月
白露降槐葉次第黃歲暮滿山雪松色鬱青蒼彼如君
子心秉操貫冰霜此如小人面變態隨炎涼共知松勝
槐誠欲栽道旁糞土種瑤草瑤草終不芳尚可以斧斤
伐之為棟梁殺身獲其所為君構明堂不然終天年老
死在南岡不願亞枝葉低隨槐樹行

荅箭鏃

矢人職司憂為箭恐不精精在

一作則

利其鏃錯磨鋒鏑

成插以青竹籛羽之赤雁翎勿言分寸鐵為用乃長兵
聞有狗盜者晝伏夜潛行摩弓試箭鏃夜射不待明一
盜既流血百犬同吠聲狺狺嗥不已主人為之驚盜心
憎主人主人不知情反責鏃太利矢人獲罪名寄言控
弦者願君少留聽何不向西射西天有狼星何不向東
射東海有長鯨不然學仁貴三矢平虜庭不然學仲連
一發下燕城胡為射小盜此用無乃輕徒霑一點血虛

汚箭頭腥

和古社

廢村多年樹生在古社隈為作妖狐窟心空身未摧妖
狐變美女社樹成樓臺黃昏行人過見者心喪回飢鵬
竟不捉老犬反為媒歲媚少年客十去九不迴昨夜雲
雨合烈風驅迅雷風拔樹根出雷劈社壇開飛電化為
火妖狐燒作灰天明至其所清曠無氛埃舊地葺村落
新田闢荒萊始知天降火不必常為災勿謂神默默勿

謂天恢恢勿喜犬不捕勿誇鵬不猜寄言狐媚者天火
有時來

和分水嶺

高嶺峻稜稜細泉流疊疊勢分合不得東西隨所委悠
悠草蔓底濺濺石罅裏分流來幾年晝夜兩如此朝宗
遠不及去海三十里浸潤小無功山苗長早死縈紆用
無所奔迫流不已唯作嗚咽聲夜入行人耳有源殊不
竭無坎終難止同出而異流君看何所似有似骨肉親

派別從此始又似勢利交波瀾相背起所以贈君詩將君何所比不比山上泉比君井中水

有木詩八首

并序

余嘗讀漢書列傳見佞順嬖嬰圖身忘國如張禹輩者見惑上蠱下交亂君親如江充輩者見暴狠跋扈壅君樹黨如梁冀輩者見色仁行違先德後賊如王莽輩者又見外狀恢弘中無實用者又見附離權勢隨之覆亡者其初皆有動人之才足以

惑衆媚主莫不合於始而敗於終也因引風人騷
人之興賦有木八章不獨諷前人欲一作亦倣後代

爾

有木名弱柳結根近清池風烟借顏色雨露助華滋峨

峨白雪花

一作毛

嫋嫋青絲枝漸密陰自庇轉高梢四垂

截枝扶為杖輭弱不自持折條用樊圃柔脆非其宜為
樹信可玩論材何所施可惜金堤地栽之徒爾為

有木名櫻桃得地早滋茂葉密獨承日花繁偏受露迎

風閣搖動引鳥潛

一作自

來去鳥啄子難成風來枝莫住

低輒易攀玩佳人屢回顧色求桃李饒心向松筠妬好
是映牆花本非常軒樹所以姓蕭人曾為伐櫻賦

有木秋不凋青青在江北謂為洞庭橘美人自移植上
受顧盼恩下勤澆溉力實成乃是枳臭苦不堪食物有
似是者真偽何由識美人默無言對之長歎息中含害
物意外矯凌霜色仍向枝葉間潛生刺如棘

有木名杜梨陰森覆丘壑心蠹已空朽根深尚盤薄孤

媚

一作
媚孤

言語巧鳥妖

一作
妖鳥

聲音惡憑此為巢穴往來

棲託四傍五六本葉枝

一作
枝葉

相交錯借問因何生秋風

吹子落為長社壇下無人敢芟斫幾度野火來風迴燒

不著

有木香冉冉山頭生一發主人不知名移種近軒闥愛

其有芳味因以調麴藥前後曾飲者十人無一活豈徒

悔封植兼亦誤采掇試問識藥人始知名野葛年深已

滋蔓刀斧不可伐何時猛風來為我連根

一作
枝

拔

有木名水檉遠望青童童根株非勁挺柯葉多蒙籠彩
翠色如柏鱗皴皮似松為同松柏類得列嘉樹中枝弱
不勝雪勢高常懼風雪壓低還舉風吹西復東柔芳甚
楊柳早落先梧桐惟有一堪賞中心無蠹蟲

有木名凌霄擢秀非孤標偶依一株樹遂抽百尺條託
根附樹身開花寄樹梢自謂得其勢無因有動搖一旦
樹摧倒獨立暫飄飄疾風從東起吹折不終朝朝為拂
雲花暮為委地樵寄言立身者勿學柔弱苗

有木名丹桂四時香馥馥花團夜雪明葉剪春雲綠風
影清似水霜枝冷如玉獨占小山幽不容凡鳥宿匠人
愛芳直裁截為厦屋幹細力未成用之君自速重任雖
大過直心終不曲縱非梁棟材猶勝尋常木

歎魯二首

季桓心豈忠其富過周公陽貨道豈正其權執國命由
來富與權不繫才與賢所託得其地雖愚亦獲安羸肥
因糞壤鼠穩依社壇蟲獸尚如是一作此豈謂無因緣

展禽胡為者直道竟三黜顏子何如人屢空聊過日皆
懷王佐道不踐陪臣秩自古無奈何命為時所屈有如
草木分天各與其一荔枝非名花牡丹無甘實

反鮑明遠白頭吟

炎炎者烈火營營者小蠅火不熱貞玉蠅不點清冰此
苟無所受彼莫能相仍乃知物性中各有能不能古稱
怨恨一作報死則人有所懲懲淫或應可在道未為弘譬
如蜩鸚徒啾啾龍鵬宜當委之去寥廓高飛騰豈能

泥塵下區區酬怨憎胡為坐自苦吞悲仍撫膺

青冢


上有飢鷹號下有枯蓬走茫茫邊雪裏一掬沙培塿傳
是昭君墓埋閉蛾眉久凝脂化為泥鉛黛復何有唯有
陰怨氣時生墳左右鬱鬱如苦霧不隨骨銷朽婦人無
他才榮枯繫妍否何乃明妃命獨懸畫工手丹青一註
誤白黑相紛糾遂使君眼中西施作嫫母同儕傾寵幸
異類為配偶禍福安可知美顏不如醜何言一時事可

戒千年後特報後來妹不須倚首無辭插荆釵嫁作
貧家婦不見青冢上行人為澆酒

雜感

君子防悔尤賢人戒行藏嫌疑遠瓜李言動慎毫芒立
教固如此撫事有非常為君持所感仰面問蒼蒼犬豕
桃樹根李樹反見傷老龜烹不爛延禍及枯桑城門自
焚熱池魚罹其殃陽貨肆兇暴仲尼畏於匡魯酒薄如
水邯鄲開戰場伯禽鞭見血過失由成王都尉身降虜

宮刑加子長呂安兄不道都市殺嵇康斯人死已久其
事甚昭彰是非不由己禍患安可防使我千載後涕泗
滿衣裳



御定全唐詩卷四百二十五